

**Io. Baptistæ Portæ Neapolitani Magiæ Naturalis Libri  
Viginti**

**Della Porta, Giambattista**

**Frankfurt, 1607**

Quomodo mutantur plantæ, vt ex vna in alteram formam abeant. Cap. II.

---

[urn:nbn:de:hbz:466:1-70772](https://nbn-resolving.de/urn:nbn:de:hbz:466:1-70772)

*Hyphear, & polypodium generari.*

Variæ enim nascuntur herbæ, vt hyphear, & stelis, quæ in abiete, pinu, & alijs nascuntur: ijs enim locis humor quidam phlegmaticus, & pituitosus putrèscit, qui ex abundantia, in extimam ramorum, & caudicis superficiem se induit, ibique nactus putredinem aliquam corticis, & à Sole concalèfactam, facile in eiusmodi herbas abit.

*Quomodo mutantur plantæ, ut ex una in alteram formam abeant.* C A P. II.

**M**IRACULA efficere nil aliud putamus, quam rem vnam in alteram vertere, vel aliqua, quæ contra naturæ normam videantur, efficere: proinde præcepta trademus, id quomodo facere possimus. Possimus negligentia, vel cultus mangonio plantas à sua natura desciscant, & in aliud genus permeant, cogere, non solum ut sapore, colore, magnitudine, & forma degenerent, quod facile eueniet, si neglectis cultum adhibueris, aut culta neglexeris. Præterea unaquæque planta suos habet sationis modos, alia enim semine, aut truncu, vel radice, auulsione, vel surculo seritur: vnde si quæ radibus plantatur, semine serueris, aut quæ semine seruantur, surculo, vel truncu pangas, diuersa quidem ab his, quæ visitato modo proditura erat, nascuntur, authore Theophrasto. Sic etiam situm, cœlum, & terram permutando, omnia peruertes, & fieri ut nata arbos figuram & faciem, & alienam arborem mentiatur: quæ omnia rusticorum libris clara sunt: quorum aliqua affremus exempla. Si vis

*Vitis alba ut nigra, & nigra alba euadat,*  
Semen albæ vitis urbano serito, & nigra & silvestris nascetur, & si nigrae, alba, ut docuit Theophrastus: nam certo scimus vitem semine non fieri, sed radicibus, crada & surculo genuina est eius satio: vnde si diuersa feceris ex eo, quod debitum est fieri, diuersum quoq; nascatur necesse est. Eodem modo

*Ficus alba nigra euadat.*

Quippe

Quippe cum è grano ficario nullū penitus genūs pro-  
creatur, sed capi si fīcū tantum, aut fīcū silvestris, colore  
etiam sāpē numero discrepans, ex nigra candida, & ex  
candida nigra gignit, ex vite quoq; nobili, ignobilis,  
& sāpē diuersa exit genere, nonaunquam nil penitus  
vrbānum, sed planē silvestre promit. Et

*Laurus & myrtus rubra sunt nigra,*

nec colorem quidem seruare possunt, nam & ipsa quo-  
que degenerant, vt in Antandro prouenisse refert idem.  
Myrtus enim non semine, sed talea, & alijs modis feri-  
tur, & laurus auulsione, vt aliquam secum radicis par-  
tem habeat, vt diximus in Agricultura. Sic etiam

*Amygdala & punica dulcia in amaras, & aci-  
da mutantur.*

Ex acinis enim mali punici glaucis vilia exeunt, & ex  
enucleatis dura, & plerunq; acida. Amygdala quoq; de-  
generat, tum sapore, tum quod dura ex molli reddatur,  
ideo adultam insérere, aut plantam sāpius transferre  
præcipiunt. Quercus quoq; deterior exit, itaq; quū ple-  
riique ea, quā in Epyro nascitur, seruissent, nullo pacto  
prouenire similis potuit. Nascitur quoq; ex nucleo olei  
silvestris olea, plerunque quoq; cupressum ex fœmina  
marem prouenire affirmant: & tandem nil penitus vrbā-  
num, sed planē silvestre prouenit, & adeo quandoq; ut  
fructum perficere minime queat. Ait Varro quod

*Brassica mutatur in rapum, & rapum in  
brassicam,*

Tantum vetus semen valet in quibusdam, vt naturam  
commutet: nam ex semine brassicæ veterē sato, nasci ait  
rapum, & contra ex rapis brassicam. Paratu & opera

*Typha & Zea vertuntur in triticum, &  
e contra,*

Idq; euenerit si pista serantur, idq; non protinus, sed an-  
no tertio, ex Theophrasto. Plinius scribit, post duos an-  
nos siligo mutatur in triticum. Sic semina omnia, ne-  
gligentia, vel cœlo & solo repugnantibus, in vitia, &  
prævaricationes abeunt. Virgilius:

*Videlicet ad uero multo spectata labore*

*Degenerare tamen: non uis humana quotannis*

*Maxima queque manu legeret, sic omnia fatis*

*In periuersuere, ac retro sublapsare referri.*

Galeni pater in senili ætate rei rusticæ studiosior, diligentem impedit operam, ut certior fieri posset, si frumentum pestes suopte ingenio nascerentur, an seminibus illarum in alias species degeneratiæ: quare triticum, hordeumq; sicerum, omnium autem repurgatum seminio terræ mandauit, quumque permultum lolij in tritico, in hordeo pauxillum prodij se cerneret, in alijs quoq; frumentaceis idem fecit periculum, compertiq; tandem in lente durum, rotundumq; aracum, secundacanq; herbam degeneratione quadam innasci lentit. Nisi cultura coercentur

*Sisymbrium in mentam vertitur.*

Quamobrem saepius transferri oportet, ne id eueniat, dicit Theophrastus. Fit enim quum quis non excusat, neq; curam adhibet, ut radices amplius deducantur, & superna pars debilior effecta odoris vehementiam remittit, relinquitur odor imbecillis, qui ad mentam accedit. Ego quum semine mentam suo seuissem, in neptam versa est, scilicet odore, forma autem menta remansit. Authore Martiale

*Basilicum in serpillum languescit.*

Si vehementi Soli exponatur, & modo purpureos, modo candidos, modo roseos pariet flores, & non solum in serpillum, sed in sisymbrium degenerabit. Sic & cassæ ramulos in cinnamonum transmutari tradidit Galenus. Sic

*Garyophylli, rosa, violæ & leucoia purpurea in  
alba mutantur*

Ætate & neglectu: nam refert Theophrastus, violæ, leucoia, & rosæ li negligantur, tertio anno albescunt, & nos conspicue in his omnibus vidimus. Sed id non solum ubi naturarum germanitas præstat, ut una stirps in alteriam se vertat, & in totum a suo genere discedat.

*Quer-*

*Quercum in vitem mutari.*

Refert Albertus, si res tam vera, quam mira, sed fides penes eum sit: narrat enim silvas quernas, vel fagineas incisas in arbores myricas, & tremiscas dictas transisse, que ignobiliores sunt, & in terra Alumnia ramuli quercenti si terre panguntur, transmutari in vites, bonum vinum ferentes, & aliquando præcisas arbores veteres in vineas degenerare, sed quod non ex manentibus quercentis surculis hanc vites, sed ijs putrescentibus cum natura terræ mixtis, abeant in vitis naturam.

*Fructus è diuersis compositus quomodo fiat.*

C A P. III.

**Q**UEMADMODVM animalia diuersa in vnum coitum miscebamus, sic nunc insitione, quæ coitus in plantis est, varios in vnum fructus componemus: quod alijs quoque fieri modis non abnegamus. Ad id insitionem satis laudamus, lôge secus laudaturi posthac, multo postquam diuersorum complexu, indissolubilem vnum efficiamus nexum, mirandique præbeant rationem. Et si insitiones laboriosas & impossibilis aliquis existimabit: sit effectus laboris leuamen, & fere impossibiles insitiones solerti emendabit cura. Nec te ab eo rudis agricolæ, & inscij artificis dimoueant dicta, quod demonstrat experientia, & animo obuolue quæ à prisca memorie prodita sint, vt sicum platano, & moro inseri, & morum castaneæ, terebintho, & albæ populo, inde alba nasci mora, castaneas nuci, & quercui, punica varijs gaudere adulterijs, & omnibus immisceri, lætari cerasum terebintho: & ne longiori oratione legentes fatigemus, tandem omne genus surculi omnibus arboribus inseri posse autumauit Columella. Hinc omnis fructuum compositio, hinc omnis eorum adoptatio, hinc insueti proueniunt fructus. Virgilius:

*Mirataq; nouas frondes, & non sua poma.*

Et Palladius:

*Sub ihalami specie felices iungere silvas,*

*Vt siboli mixtus crescat viriñg; decor.*

G 5